



O'ZBEKISTON RESPUBLIKASI EKOLOGIYA VA ATROF-MUHITNI MUHOFAZA QILISH DAVLAT QO'MITASI RAISINING BUYRUG'I

2022 - yil "28" sentyabr

450 -son

Toshkent sh.

Korrupsiyaga qarshi kurashishga qaratilgan ichki hujjatlarni tasdiqlash to'g'risida

O'zbekiston Respublikasi Prezidentining 2022-yil 12-yanvardagi "Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to'g'risida"gi PQ-81-son va O'zbekiston Respublikasi Prezidentining 2022-yil 11-maydag'i "Davlat boshqaruvi sohasida korrupsiyaviy xavf-xatarlarni bartaraf etish mexanizmlarni takomillashtirish va ushbu sohada jamoatchilik ishtirokini kengaytirish chora-tadbirlari to'g'risida"gi PQ-240-son Qarorlari talablari ijrosini ta'minlash hamda O'zbekiston Respublikasi Prezidentining 2021-yil 30-dekabrdagi "Atrof-muhitni muhofaza qilish hamda ekologik nazorat sohasidagi davlat organlari faoliyatini tashkil etish chora-tadbirlari to'g'risida"gi PQ-76-son Qarorida ekologiya va atrof-muhitni muhofaza qilish yo'nalishini «Korrupsiyasiz soha»ga aylantirish Ekologiya va atrof-muhitni muhofaza qilish davlat qo'mitasining yangilangan asosiy vazifalari etib belgilanligini inobatga olib, O'zbekiston Respublikasi Ekologiya va atrof-muhitni muhofaza qilish davlat qo'mitasi, Qoraqalpog'iston Respublikasi Ekologiya va atrof-muhitni muhofaza qilish qo'mitasi, viloyatlar va Toshkent shahar ekologiya va atrof-muhitni muhofaza qilish boshqarmalari (keyingi o'rinda - hududiy bo'linmalar) va tizim tashkilotlarida halollik siyosatini ta'minlash, xodimlar va umuman jamiyatda korrupsiyaga qarshi kurashish madaniyatini oshirish maqsadida yuksak xulq-atvor standartlariga muvofiqlik, shuningdek lavozim (xizmat) majburiyatlarini bajarish chog'ida Davlat ekologiya qo'mitasi, uning hududiy bo'linmalarini hamda tizim tashkilotlari xodimlari tomonidan korrupsiyaviy harakatlar sodir etilishiga yo'l qo'ymaslikni ta'minlash hamda tizimni korrupsiyasiz sohaga aylantirish maqsadida **buyuraman:**

1. Quyidagilar:

O'zbekiston Respublikasi Ekologiya va atrof-muhitni muhofaza qilish davlat qo'mitasi, uning hududiy bo'linmalarini va tizim tashkilotlarida korrupsiyaga qarshi kurashish bo'yicha siyosati **1-ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasi, uning hududiy bo‘linmalari va tizim tashkilotlarida korrupsiyaviy xavf-xatarlarni baholash uslubiyoti **2- ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasi, uning hududiy bo‘linmalari va tizim tashkilotlarida manfaatlar to‘qnashuvini boshqarish bo‘yicha nizom **3- ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasi, uning hududiy bo‘linmalari va tizim tashkilotlariga aloqa kanallari orqali korrupsiyaviy xatti-harakatlar to‘g‘risida kelib tushgan xabarlarni qabul qilish va ko‘rib chiqish reglamenti **4- ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasi, uning hududiy bo‘linmalari va tizim tashkilotlari xodimlarining etika va korrupsiyaga qarshi kurashish sohasida o‘qitilishini tashkil qilish bo‘yicha yo‘riqnomalarini **5- ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasi, uning hududiy bo‘linmalari va tizim tashkilotlarida kontragentlarni tekshirishga oid yo‘riqnomalarini **6- ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasi, uning hududiy bo‘linmalari va tizim tashkilotlariga ishga qabul qilinayotgan nomzodlarni tekshirish bo‘yicha yo‘riqnomalarini **7- ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasi, uning hududiy bo‘linmalari va tizim tashkilotlarida korrupsiyaga qarshi tartib-taomillarning samaradorligini monitoring va nazorat qilish uslubiyoti **8- ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasi, uning hududiy bo‘linmalari va tizim tashkilotlarida korrupsiyaga qarshi kurashish tizimining holati to‘g‘risidagi hisobotni shakllantirish va taqdim etish bo‘yicha nizom **9- ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasi, uning hududiy bo‘linmalari va tizim tashkilotlari xodimlarining korrupsiyaviy xatti-harakatlari va odob-ahloq qoidalarini buzish holatlari ustidan xizmat tekshiruvlari o‘tkazish bo‘yicha reglamenti **10- ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasi, uning hududiy bo‘linmalari va tizim tashkilotlarida davlat xaridlarini o‘tkazish to‘g‘risidagi nizom **11- ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasi, uning hududiy bo‘linmalari va tizim tashkilotlari tomonidan davlat xaridlarini amalga oshirish doirasida xarid qilish tartib-taomillari ishtirokchilarini tekshirish jarayoni bo‘yicha yo‘riqnomalarini **12- ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasining Korrupsiyaga qarshi kurashish va komplaens nazorat bo‘limi to‘g‘risidagi nizom **13-ilovaga** muvofiq;

O‘zbekiston Respublikasi Ekologiya va atrof-muhitni muhofaza qilish davlat qo‘mitasining Korrupsiyaga qarshi kurashish va komplaens nazorat bo‘limi boshlig‘i va bosh mutaxassisining lavozim yo‘riqnomasi **14-ilovaga** muvofiq tasdiqlansin.

2. Davlat ekologiya qo‘mitasining Korrupsiyaga qarshi kurashish va komplaens nazorat bo‘limi (Urunov) **bir hafta muddatda** markaziy apparat xodimlarini mazkur buyruqning mohiyati va unda nazarda tutilgan talablar bilan tanishtirsin.

3. Hududiy bo‘linmalar va tizimdagи tashkilotlari rahbarlari **bir hafta muddatda** mazkur buyruqni xodimlar o‘rtasida uning mohiyati va ahamiyatini tushuntirilishini ta’minlasinlar.

4. Tashkiliy nazorat va tahlil boshqarmasi (**Haytboev**) ushbu buyruqni Davlat ekologiya qo‘mitasi markaziy apparati va hududiy bo‘linmalari hamda tizim tashkilotlariga ijro uchun yetkazsin.

5. Ushbu buyruqning bajarilishini nazorat qilishni o‘z zimmamda qoldiraman.

Rais



N.Oblomuradov